

Universitätsbibliothek Paderborn

Medvlla Theologica

Ex Sacris Scriptvris, Conciliorvm Pontificvmqve Decretis, Et Sanctorvm
Patrvm Ac Doctorum Placitis Expressa ; In qua, quidquid tum ad fidei
mysteria sanè ac rectè intelligenda, & ab erroribus quibusvis secernenda,
tum ad sacramenta debitè conficienda & ministranda, tum ad actiones
humanas iuxta ...

Complectens ea quæ ad Sacmenta & mores pertinent

Abelly, Louis

Coloniæ Agrippinæ, 1659

§. 4. De virtute Religionis, peccatisque illi oppositis.

urn:nbn:de:hbz:466:1-38979

Primum est, odium Dei, quod peccator concipere potest (ut docet S. Th. q. 14. a. 1.) ex consideratione quorundam effectuum divinæ voluntatis, qui depravata sua voluntati repugnant; qualis est inflictio poena peccatis debitorum; Deum enim propter se præcise odiisse nullus potest, cum in ejus natura nihil nisi infinite diligibile occurrat; & hoc peccatum haud dubie peccatorum omnium gravissimum est, ut afferit idem S. Doctor a. 2. cum per illud hoc maximè à Deo avertatur.

Alterum peccatum est, acedia, quæ (ut docet S. Th. q. 35. a. 2. & seq.) nihil est aliud, quam tristitia & tredium quoddam voluntarium & deliberatum de bono spirituali, in quantum est bonum divinum, id est quatenus per illud bonum spirituale, puta per Sacramentorum susceptionem aliaque bona opera, homo tendit in Deum, illi obliquitur, illum glorificat &c. Et ut sic opponitur directè charitati, cuius proprius effectus est gaudium de bono divino.

Explicatis ijs, quæ ad charitatem pertinent in quantum Deum respicit, doctrinæ ordo postulare videbatur, ut de charitate proximi aliquid diceremus: verum cum plurima, quæ ad virtutem illam spectant, in præceptis secundæ tabulæ continantur, commodius existimavimus (quod etiam præstitit Nav. cap. 14. nu. 3. & ante illum S. Bonav. in 3. dist. 37.) agere de ijs, quæ ad charitatem proximi spectant, cum quarti præcepti, & sequentium explicationem aggrediemur.

§. IV.

De virtute Religionis peccatisque illi oppositis.

REligionis nomine secundum mentem S. Doctoris qu. 81. a. 1. intelligitur virtus illa, per quam homines Deo debitum cultum & honorem exhibent; quæ quidem non est Theologica, sed prima & principua inter morales; cum pro immediato objecto, non ipsum Deum, sed cultum & honorem illi exhibendum respiciat.

Illius

Illi actus sicut &c aliarum virtutum sunt duplices
neris; alii siquidem sunt eliciti, quibus homos subiecti
Deo, illaque debitum honorem & cultum exhibet, cujus-
modi sunt adoratio, sacrificium, oblatio, oratio, votum,
&c. Per adorationem supremam Dei maiestatem reverenter,
nosque illi quanta possumus anima & corporis demis-
sione subiectimus: per sacrificium, ipsum Deum colimus
tanquam supremam vitam ac necis arbitrum: per oblationem,
eiusdem Dei absolutum ac summum in res omnes
dominium profitemur: per orationem, ad illum recurrimus
ut fontem ac principium totius boni quod speramus: per
votum denique eumdem agnoscimus tanquam ultimum
finem, in quem nos & nostra omnia speciali affectu refer-
re volumus. De quibus omnibus & singulis pleniū agit
S. Doctor quæst. 84. & seq.

Alii autem sunt actus religionis imperati, cujusmodi
sunt omnes aliarum virtutum actus, qui ad Dei cultum
referri possunt: quo sensu dicit S. Iacobus c. 1. Religiosa
& immaculata apud Deum & Patrem hac est; vestitari pa-
pillos & viduas in tribulatione eorum, &c.

Quod spectat ad peccata virtuti religionis opposita, nra
sunt & multiplicia, de quibus non solum hic, sed etiam
in duabus test. seq. agendum erit.

Primum & principium ac velut radix dæterorum, est
superstitione, (qua ut docet S. Thom. q. 92 a. 2.) vel Deo cul-
tus illegitimus, vel creaturæ cultus indebitus exhibetur:
prior illa subdividitur in duas species, quarum altera est,
cùm Deo exhibetur cultus falsus, ut si quis nunc vetuis
legis sacrificia offerret; hic enim cultus, ut observat S. Do-
ctor. q. 93. a. 1. falsus esset, cùm fuerit institutus ad signifi-
canda vita & mortis Christi Domini mysteria tanquam
futura, quæ tamen iam peracta sunt: ad quod peccatum
(ut moneret Tolet. li. 4. c. 14.) reducitur illud, quo quis fal-
fas reliquias pro veris supponeret, vel falsa miracula fin-
geret, ut ementito illo religionis nomine eleemosynas
hinc inde corrogaret.

Altera species est, cùm exhibetur Deo cultus super-
fluus;

flus; id est ut expl. cat. S. Doctor. art. 2. cum aliquid sit,
quod neq; confert ad Dei gloriam, neque ad hoc ut mens
hominis in Deum feratur, aut carnis concupiscentiae in-
ordinatae referentur, aut etiam quod est prater Dei insti-
tutionem, vel contra legitimam & approbatam Ecclesiae
consuetudinem; hoc enim totum (inquit S. Doctor. supr.) re-
putandum est superfluum & superstitionem.

Superstitione autem illa , qua cultus indebitus creature
tribuitur, quinque sub se includit species; scilicet Idolola-
triam, Magiam, Divinationem, Vanam Observantiam, &
Maleficium.

Idolatria est, cum cultus divinus alicui creature tan-
quam Deo exhibetur. Observat autem recte Tolet. lib. 4.
c 24. Idolatriam, non modo religioni, sed etiam fidei
esse oppositam; sicut enim vera adoratio non est, nisi pra-
cedat in intellectu fides, qua illius excellentiam agnoscimus
cui nos subiicimus ; sic adoratio falsa, qualis est ido-
lolatria, supponit errorem in intellectu , quo aestimamus
creaturem aliquam honore divino dignam,

Magna est potestas quædam inordinata collata per dæ-
mones, pacto cum illis initio , qua mediis pravis & super-
stitionis fit aliquid , quod est supra natura humanae vires,
non tamen ipsis dæmonis naturales vires excedit. Pa-
tum autem illud magi cum dæmons fit, vel expressè cum
ipso dæmons visibiliter apparente , aut cum aliquo alio
magico vices dæmonis supplente : vel tacite per dæmonis
invocationem, quæ non solum fieri censetur, cum homo
concepit verbis auxilium dæmonis invocat , sed etiam
(ut recte monet Mart. Delrio lib. 2. disquisi. magic qu. 2.)
quoties homo intentat aliquid facere per ea , quæ neque
ex se, nec virtute aliqua supernaturali divinitus indita, ta-
lem effectum producere possunt , ut cum certa verba vel
characteres ad morbos depellendos adhibentur.

Observat etiam Tol. supr. magiam hæresi sæpe coniun-
ctam esse ; ut si magus cum pertinacia credat dæmones
posse patrare miracula, aut aliquid citra permissionem di-
vinam propria virtute facere ; Certissime enim tenendum est
(ut

Cut ait S. Aug. lib. 18 de civ. c. 18.) solum Deum posse omnia facere quia voluerit, nec dæmones aliquid operari secundum uitatur sua potentiam, nisi Deus permiserit.

Observat etiam idem Toletus contingere aliquando posse personas quasdam simplices modis supra explicatis quibus tacite dæmon invocatur, utentes, in incibiliter ignorare se invocare dæmonem; & tunc non peccare saltem mortaliter propter ignorantiam illam inincibilem, quem tamen amplius illos non excusat, quando vel ab aliis momentur, vel per se ipsos advertunt id quod faciunt illicitum esse, aut de illo dubitate incipiunt.

Divinatio est inordinata & superstitionis inquisitio rerum aliquarum, vel futurarum vel occultarum, quas homo hic & nunc naturaliter cognoscere non potest:

Docet autem S. Th. q. 95. a. 3. semper in divinatione expressam vel tacitam dæmonis invocationem reperiisti, utilius ope notitia rerum illarum acquiratur; unde fit ut divinatio, sicut & magia, propter illud commercium cum dæmonie, gravissimum contra virtutem religionis censetur esse peccatum: Apostolus siquidem prohibet fideles fieri socios dæmoniorum: 1. Cor. 10. & S. Aug lib. 2. de Doct. Christ. c. 23. dicit Omnem societatem dæmonum tanquam pestifera esse fugiendam.

Expressa autem dæmonis invocatio in divinatione multipliciter fieri solet (ut fusè explicat S. Doctor q. 95. a.) iuxta varios modos quibus solet dæmon futura vel occulta manifestare. Aliquando enim id præstat per fictas quasdam apparitiones, quibus oculis hominum illudit; & hec divinationis species vocatur prættigium. Aliquando per somnia quando quis per somnia responsum expectat a dæmonie, & vocatur divinatio per somnia. Aliquando per mortuorum fictam apparentiam vel locutionem; & vocatur Necromantia. Aliquando per statuas & aliqua corpora terrestria; & dicitur Geomantia. Aliquando per figuræ apparentes in aquis; & vocatur Hydromantia. Aliquando per figuræ æreas vel igneas. & vocatur Aeromantia vel Pyromantia. Aliquando per inspectionem viscerum animalium quæ dæmonibus immolantur; & dicitur Auruspiciū.

Quz

Quæ quidem omnes divinationis species sunt peccata mortalia gravissima, divina lege reprobata, ut patet Deut. c.18. & etiam sanctionibus Ecclesiasticis sub anathematis interminatione prohibita, ut habetur cap. Si quis, 26. q.s.

Divinatio quæ fit per tacitam dæmonum invocationem (ut docet S. Th. supra) in duo genera subdividitur. Quorum primum est, quando ad cognoscendas res futuras vel occultas superstitiones consideratur aliquid in dispositiōnibus quarundam rerum, quod ex se nullam habet natualem connexionem cum rebus illis futuris vel occultis: ut enim recte dixit S. Aug. lib. 2. de Doctr. Chr. cap. 22. *Iste opinione quibusdā rerū signis humana præsumptione instituitur, ad eadem illa, quasi quadā cū dæmonibus pacta, referenda sunt.*

Quod si ad hunc divinandi finem motus velsitus sidereum consideretur, hæc divinatio dicitur Astrologia: si gartitus animalium aut avium, dicitur Augurium: si earumdem avium volatus, Auspiciū: si verba quædam hominū casu prolatæ retorquentur ad prænotionem aliquam fututorum, dicitur Omen: si lineamenta quædam manus superstitione obseruentur, vocatur Chyromantia.

Porrò circa Astrologiam observandum est ex S. Doctore q.95. art. 5. quod, quamvis per illam scientiam aliqui effectus naturales præcognosci possint, ut Eclipses, aëris im mutationes, &c. item inclinationes, complexiones, & aliæ similes corporis humani dispositiones (quod, licet valde incertum sit in particulari, nihilominus in generali cx Philosophia compertum est, astra & cœlos in humana corpora aliquo pacto influere) certum est tamen duobus præfertim in casibus mortale peccatum est Astrologia e jusmodi scientia uti. Primo ad ea cognoscenda, quæ à sola divina voluntate pendent, puta ad cognoscendam prædestinationem, salutem, damnationem &c. alicujus hominis. Secundo ad ea præcognoscenda tanquam cerò eventura, quæ ex libera hominis voluntate pendent: unde S. Augustin. lib. 4 confess. cap. 3. dicit ejusmodi astrorum consultores, quos vocat Planetarios, à Christiana pietate repellendi & damnari: & libr. 2. de doctr. Christ. capit. 20. vocat Astrologiam illam judiciariam genethliacorum.

Pernī-

Ternicioram superstitionem; dicitque illius sectatores nō errare, & vendere imperitū biminebus miserabilem servitutē. Diximus (tanquam certo eventura) quia, si quis per illa scientiam ex cognitione complexionis & habitudinistaturalis alicuius hominis, coniūceret tantum evenire posat hoc vel illud ageret; iunc licet alioqui vanum & validentum esset tale iudicium, non esset tamen peccatum mortale; nisi in eo casu, quo quis ita addicetus esset eismodi astrologicis observationibus, ut illis tanquam p̄m & præcipua regula in suis actionibus uteretur, ita ut prius consultis astris, neque ullum negotium aggredi, neque quidquam alicuius momenti agere vellet.

Est præterea genus alterum divinationis per sortes, causa quod adyertendum est ex S. Thom. a. 8. alias esse sorte divinatorias, quæ adhibentur ad aliquid occultum vel futurum sciendum; alias consultorias ad cognoscendum quid in aliquo casu agendum sit; alias divisorias ad determinandum quid in alicuius rei partitione cuique eveniat. Et in sortibus quidem divinatoriis est semper peccatum mortale; quia in illis semper tacita dæmonis invocatio peritur; cum neque ex divina institutione, aequa aliqua virtute naturali sortes illæ connexionem ullam necessariam habeant cum eo, quod per illas inquiritur.

In sortibus autem consultoriis est etiam peccatum mortale, quando resolutio expectatur a dæmons, non vero quando per illas Deus consulitur; quod tamen fieri non debet nisi cum triplici conditione. Prima est, ut non ex curiositate, sed ex gravi aliqua necessitate id fiat: e.g. inter Dei ministros (ut id verbis & authoritate S. Aug. Epist. 180. ad Honora tū explicemus) sit disceptatio, qui eorum persecutio in tempore maneat, ne fuga fiat minium; & qui eorum fugiant, ne morte omnium deseratur Ecclesia: si hæc disceptatio aliter non potuerit terminari, quantum mihi videtur, quinimeant, & qui fugiant sorte legendi sunt: & lib. 1. de doct. Christian. cap. 28. aliud profert exemplum. Si inquit abundare aliquid, quod oportaret dari, ei qui non haberet, nos duobus dat posset: si tibi occurrerent duo, quorum neuter alium vel indi-

ta vel aliqua ergate nec ostentatione superaret, nihil iustius faceret, quā ut sorte eligeres, cui dandum esset, quod duobus dare non posset.

Secunda conditio est, ut fiat cum reuerentia: unde obseruat Beda super caput 1. Act. Apostolos non nisi collecto fidelium cōcū, & precibū ad Deum fusis sortes dedisse, ut in locum Iudeæ alium Apostolum substituerent.

Tertia denique conditio est, ut verba sacræ scripturez, quæ in sortibus consultoriis adhiberentur, ad negotia terrena non conuertantur: unde S. Aug. Epist. 119. ad. Ianuar. his inquit quæ de paginis Evangelicis sortes legunt; et se optandum sit ut id potius faciant, quam ad demonial consulenda concurrant, tamen etiam ista mihi displicet consuetudo, ad negotia secularia, & ad vita huius vanitatem diuina oracula vel conuertere.

Diuisoria autem sortes licet sunt, dummodo triplex adsit conditio, ut docet Tol. Lib. 4. c. 15. prima est, ut nihil in illis fiat contra iustitiam, Secunda, ut nihil etiam fiat contra bonum publicum, ut si dignitates sorti committerentur inter eos, quorum aliqui essent ad illas inepiti. Tertia denique, ne fiant eiusmodi sortes in beneficiis, & dignitatibus Ecclesiasticis, in quibus sortitione uti non licet. His stantibus conditionibus sorte diuisoria utilitatum est, dummodo euentus illius non exp̄etetur à dñe-
mone, sed sit purè fortuitus.

Vana op̄eratio in eo differt à diuinatione, quod hæc præsertim spectet cognitionem rerum quarundam occulatarum modo indebito consequendam, illa vero referatur ad commoditates alias corporis vel animi per media quædam inutilia & superstitionis obtinendas; quod si id fiat ad nocēntia inferenda, vocatur maleficium. Certeum est autem eiusmodi yanam & superstitionis obseruationem esse ex genere suo peccatum mortale; in ea si quidem vel expressa vel tacita dæmonis invocatio semper reperitur, ut docet S. Aug. lib. de doct. chr. c. 26.

Illiis vero tres sunt præsertim species, prima est ars no-
toria, quæ orationis quasdam & ieunia tanquam media

S certa

certa & infallibilia adhibet ad acquirendas scientias sine
vilo labore & studio, ad modum scientiarum in fusarum:
quod quidem fieri sine mortali peccato non potest, ut
docet S. Th. q.96 a.1. Secunda est obseruatio sanitatum;
cum quis nimis ad sanitatem recuperandam, aut alte-
xi conferendam, media quædam inutilia & superstitione
adhibet; ut quasdam orationes certis quibusdam verbis
& non aliis conceptas, certos characteres brachio colligatos, &c. Et hæc vana obseruatio, nisi inuincibilis igno-
rantia excusat, mortale peccatum est; cum (ut docet S.
Th. art.2) in ea subsit semper tacita aliqua demonis in-
vocatio: unde S. Aug. supra dicit, quod *ad superstitionem*
pertinent ligatura & remedia, quæ medicorum quoque disciplina condemat, &c.

Neque dicas orationes esse media optima, & religioni
valde consentanea: id enim verum est, si adhibeantur so-
lum ad postulandam à Deo sanitatem; non vero, si illis et
superstitione persuasione inesse credatur vis ad conferen-
dam sanitatem; vel si existimetur per illas orationes san-
itatem infallibiliter esse impetrandam, dummodo talibus
verbis & non aliis content, &c. quis enim non videt
obseruationes eiusmodi vanas & inutiles esse, proinde
que & orationi, & religioni repugnantes.

Idem indicium ferendum est de iis, qui collo appensa-
gestant reliquias sanctorum, aut verba quædam Euange-
lica; si enim id fiat ex vero & sincero religionis affectu al-
colendum Deum & sanctos eius honorandos, licitum est
& pium; si vero vana aliqua circumstantia obseruetur; ut
quod vas reliquiarum debeat esse talis forma; quod ver-
ba Euangelica in charta virgine sint scripta; aut quod ceno
credatur reliquis illis & verbis inesse vim infallibilem
efficiendi, ut quis v.g. in bello aut in statu peccati mori-
lis non moriatur: id haud dubie superstitionem est, ac pos-
tinde illicitum, ut docet Tol. lib.4. cap.16. post S. Th.
sup.art.3. ad 3.

Tertia denique est, vana obseruatio futuorum even-
tuum: ut cum quis ex quarumdam rerum impertinentiis
um occursu mala aliqua vel bona sibi vel aliis carent
ominatur.

yaria

Varia illius vanæ obseruationis exempla profert S. Aug. super c. 20 ubi dicit quod Ad pacta cum demonibus inita pertinet millia inanum obseruationum; putat si membrum aliquod salierit, si unctum ambulantibus amicis lapis, aut canus; aut puer medius interuenit; si quis cum se calceat, sternutauerit si uestis a soricibus rodatur; & plus timeatur suspicio malis futuri quam praesens damnum doleatur.

Quod spectat ad maleficium, breuiter dicimus speciem quamdam esse vanæ obseruationis, qua quis dæmonis ope aliis sive in corpore, sive in anima, sive in bonis exterioribus nocet vel nocere intendit. unde patet, quæ sit differentia inter magus & maleficū, ut obseruat Tol. lib. 4. c 16. magus enim ope dæmonis utitur præsertim ad propriam ostentationem & admirationem sui excitandā; maleficus vero ad nocumentum aliis inferendum.

Est autem duplex maleficium, amatorium scilicet & veneficium, amatorium illud est, quo utuntur malefici ad amorem carnalem excitandum, vel è contraria ad odia, vel diuertia inter personas coniugatas excitanda: circa quod obseruandum est, ut recte moneridem Tol. supradicta. dæmonem nullam posse voluntati humanae necessitatem inferre, sed eam tantum modo allicere, vel immutando phantasiam & imaginationem, & rem amatam exhibendo tanquam amabiliorēm, vel carnis appetitum inflammando & excitando; quibus non obstantibus voluntas libera semper manet, potestque homo, si velit, gratia diuinæ auxilio adiutus illecebras omnes eiusmodi abiicere.

Maleficium veneficium illud est, quo utuntur malefici, ut alicui noceant, vel in corpore dolores & infirmitates quasdam inducendo, vel in bonis exterioribus ventos, grandines & tempestates ope dæmonis excitando, quibus animalia intermanantur, arbores eradicentur, domus subvertantur, &c. certum est enim dæmonem ista & alias similia, Deo ita permittente, posse efficere, ut manifestum est ex cap. 1. & 2. libri Job.

Porro aduertendum est maleficos, præter peccatum
S 2 male

peccatum maleficii initi, multis insuper aliis horrendis peccatis esse irretitos : quapropter ab illis in confessione inquiri debet, num aliquod pactum expressum vel tacitum cum demone inierint; quidue illi promiserint; num Christi Domini fidem & Baptismum eiurauerint; num aliquid erroneum contra fidem crediderint: num demonem inuocauerint, vel ipsi ad orationem, aut alios dominos honores detulerint; vel ab ipso aliquod in hac vita, vel in futura sperauerint; num sacrilegium aliquod commiserint, & rebus aliquibus sacris puta oleo sancto, aqua benedicta, ad impia & nefanda facinora patranda abusuerint; Perpendenda item damna, quae ex eorum maleficiis fuerint subsecuta, ut reparatio eorum iniungatur; quae omnia & plura alia videri possunt apud Mart. Delfin. lib. 6. sect. 3. & Tolet. loco sup. cit. ubi etiam recte monet maleficos peccare, non solum quando vtuntur maleficiis ad nocendum, sed etiam cum eamdem artem ad habent ad soluendum maleficium quod intulerunt; immo nec licitum esse petere a malefico, ut maleficio dissoluat; sed orationibus, exorcismis, sacramentorum digna susceptione, & aliis piis operibus id a Deo postulandum, & ceperandum esse.

Præter quinque supra dictas superstitionis species, duo sunt ad hoc peccata religionis virtuti speciatim opposita, scilicet tentatio Dei, & sacrilegium.

Tentatio Dei est, cujus dubitans de aliqua perfectio ne Dei aliquid agit, ut experiatur utrum Deus talem perfectiōem habeat necne; v.g. utrum Deus sciat, vel possit aliquid. hoc autem peccatum ex genere suo mortale est, ut docet Tole. cap. 19. ubi etiam obseruat, duobus modis illud committi posse: uno modo expressè; cum quis aliquid facit hac intentione, ut experiatur, utrum Deus aliquid facere possit: altero modo tacite; quando quis licet non habeat expressam intentionem Deum tentandi, id tamen agit, quod ex se in illam Dei temptationem tendit; ut cum quis neglectis mediis a diuina prouidentia constitutis expectat effectum aliquem a solo Deo, nulla necessitate aut causa rationabili ad id movente; unde s.

AUG.

Aug. lib. 2. cont. Faust. c. 36. dicit, quod Christus Dominus Fugiendo & latendo hominis instruebat infirmitatem, ne Deum tentare audeat, quando habet quod faciat ut quod cauere oportet, evadat.

Quod si necessitas aliqua vel rationabilis causa sub sit; tunc (ut docet S. Th. q. 97. a. 1. non tentaret Deum, qui auxilium aliquod extra ordinarium ab eo postulareret, aut expectaret, iuxta illud 2. paralip. 20. Cum ignoremus quid agere debeamus, hoc solum habemus residui, ut oculos nostros dirigamus ad te.

Sacrilegium (ut docet S. Th. q. 93 a. 1. & seq.) est violatio rei sacræ, seu diuino cultui destinatae: quæ violatio contingit, cum aliquid circa eam sit, quod repugnat cum eo cultu ad quem destinata est, ut recte obseruat Greg. à Valent. disp. 6. q. 15. de sacril. pu. Tres autem sacrilegii species distinguit S. Doctor suprà; prima spectat personas sacras; secunda loca sacræ; tertia res sacras, prout à personis & locis distinguuntur.

Ad primam speciem pertinet, quidquid fit contra personam sacram, (qualis est clericus vel persona religiosa) quo reverentia eius conditioni debita, aut immunitas eidem, quatenus Deo sacra est, concessa violatur, aut læditur; ut si quis manus violentas in Clericum iniiciat, aut cum persona sacra fornicetur.

Ad secundam speciem spectant actiones illæ, quæ specialiter repugnant cultui diuino ad quem sacer locus destinatus; qualia sunt effusio iniusta sanguinis humani in Ecclesia, item fornicatio, & quævis alia illicita seminis effusio in eodem loco, furtum item, non modo rei sacræ quod ad tertiam speciem pertinet, sed & cuiuscumque alterius in loco sacro perpetratum, ut ex communi Theologorum sententia docet Valent. supra.

Ad tertiam denique sacrilegii speciem pertinet abusus sacramentorum aliarumque rerum sacrarum, aquæ benedictæ, &c. Item profanatio vasorum, & ornamento rum sacrorum. Addit Caietanus apud eundem Valent., am suprà ad hanc quoque sacrilegii speciem pertinere sacrarum scripturarum abusum; ut si ad superstitiones

inducendas, vel hæreses confirmandas, veletiam ad te
Iudicas adhibeantur.

Caterum reſte obſervat idem Valentia ſuprā p. 1. 2. ſi
exilegium quodcunq; ex formali intentione, & cum di-
vini cultus contemptu perpetratum, eſſe peccatum mor-
tale; nec ullam materialē levitatem excusare, eō quōd rati-
one contemptus, ſi non materia, certè malitia gravis ſem-
per in eo reperiatur; feciſ autem, ſi quis abſq; ullo divin-
cultus contemptu re aliqua ſacra utatur præter eum fi-
nem, ad quem deſtinata eſt, erit enim tantummo-
do peccatum veniale, ſi prudentis viſi judicio materi-
a leviſ eſſe ceneſatur; ſi vero gravis ſit, erit mortale.

§. V.

*Quot modis peccetur in primum Decalogi
præceptum.*

CONTRA hoc primum Decalogi præceptum peccan-
t in primis qui Idololatriam ac Iudaismū proſtitentur,
aut à fide, vel religione Catholica per Apoſtolum re-
cedunt.

Qui dogmatibus hæreticorum aliisq; erroribus ab E-
cleſia damnatis & proscriptis pertinaciter adhærent: qui
hæreticos in cauſa hæresis fovent & protegunt; cum illis
temerè de fide diſputant; eorum libros legunt; aut con-
onibus vel ceremoniis interſunt.

Qui de alicuius articuli fidei veritate dubitant: qui fidei
negant vel diſſimulant, cùm illam exteriū profiteri tem-
tur: qui fidei mysteria præcipua aliaq; ad ſalutem ſicut ne-
ceſſaria, ut ſymbolum fidei, orationem Dominicam, De-
calogum, & Sacra menta culpabiliter ignorant.

Qui de misericordia & gratia Dei præſumunt: vel de illis
desperant: qui Deum propter flagella ſibi inflitta odi-
runt; de ejus providentia obmurmurant; vel ejus obli-
quum animo deliberato fastidiunt.

Qui Deo cultum ſuperstitiosum, & indebitum, vel cer-
turæ cultum ſoli Deo debitum impendunt: qui dæmones
exprefſe vel tacite invocant vel pactum exprefſum vel
ſitum cum eo ineunt,